

ერთის მხრივ, შ.პ.ს. „ავერსი-ფარმა“ (შემდგომში – „დამკვეთი“), მმართველი დირექტორის ირაკლი ქსოვრელის სახით, და მეორეს მხრივ შპს „-----“ (შემდგომში – „შემსრულებელი“) წარმოდგენილი მისი დირექტორის ----- სახით, ვდებთ წინამდებარე ხელშეკრულებას შემდეგზე:

1. ხელშეკრულების საგანი:

1.1 წინამდებარე ხელშეკრულების საგანია შემსრულებლის მიერ დამკვეთისთვის წინასწარ შეთანხმებული პირობების მიხედვით მოამზადოს კომპანია ავერსის ბრენდის იდენტობისა და სტრატეგიის შემუშავება.

1.2 სამუშაოს განხორციელების ვადაა არაუგვიანეს -----

2. ხელშეკრულების ღირებულება და ანაზღაურების პირობები

2.1. წინამდებარე ხელშეკრულებით გათვალისწინებული მომსახურების ღირებულება შეადგენს ----
-- ლარს დღგ-ს ჩათვლით. საქართველოს კანონმდებლობით გათვალისწინებული ყველა გადასახადის ჩათვლით.

3. მხარეთა უფლება-მოვალეობანი

3.1. მხარეთა უფლებები და ვალდებულებები

- 3.1.1. შეასრულოს დაკვეთა ჯეროვნად, ხელშეკრულებით გათვალისწინებული პირობებისა და ვადების გათვალისწინებით;
- 3.1.2. მიაწოდოს დამკვეთს მაღალი ხარისხის სარეკლამო მასალა;
- 3.1.3. უზრუნველყოს სარეკლამო მასალის დამზადება დამკვეთის მოთხოვნის შესაბამისად.
- 3.1.4. არაჯეროვნად შესრულებისას ან შეუსრულებლობისას სრულად აუნაზღაუროს დამკვეთს მიყენებული ზიანი;
- 3.1.5. დამკვეთის მიერ შეკვეთის დამზადებისას შემსრულებელი პასუხისმგებელია ყველა იმ ინიციატივაზე და კრეატივზე, რაც საჭიროა წინამდებარე ხელშეკრულებით გათვალისწინებული აქტივობის დაგეგმვასა და დამზადებისთვის.
- 3.1.6. ხელშეკრულების თითოეულ მხარეს უფლება აქვს მოსთხოვოს მეორე მხარეს წინამდებარე ხელშეკრულებიდან და მოქმედი კანონმდებლობიდან გამომდინარე მოვალეობათა კეთილსინდისიერი შესრულება.
- 3.1.7. შემსრულებელი იღებს პასუხისმგებლობას შეასრულოს სამუშაო სათანადო და დამკვეთისთვის მისაღები წესით, რაც გულისხმობს ანალოგიური ტიპის სამუშაოს კვალიფიციურად და პროფესიონალურად შესრულებას.
- 3.1.8. შემსრულებლის მიერ არასათანადო ხარისხის მასალით ან/და არასათანადო ხარისხით შესრულებული სამუშაოების გამოსწორება მოხდება მისივე ხარჯით დამკვეთის მიერ აღნიშნულის გამოვლენიდან და დამკვეთისაგან შეტყობინებიდან, შემსრულებლის მიერ დაწესებული ვადის განმავლობაში, მაგრამ არაუმეტეს 10 სამუშაო დღისა.
- 3.1.9. დამკვეთი ვალდებულია დროულად მიაწოდოს შემსრულებელს ყველა საჭირო ინფორმაცია რაც დაკავშირებული იქნება წინამდებარე ხელშეკრულებით გათვალისწინებული სამუშაოების შესრულებისთვის.
- 3.1.10. შემსრულებელს მოსთხოვოს ნაკლოვანების გამოსწორება, ისე რომ არ დაირღვეს დაკვეთის შესრულების ვადა;
- 3.1.11. დამზადების ბოლოს სტადიაზე და შეიტანოს მასში ცვლილებები;
- 3.1.12. წინამდებარე ხელშეკრულების საფუძველზე, შემსრულებლის მიერ მომსახურების დამკვეთისათვის

გაწევისა და დამკვეთის მიერ ამ ხელშეკრულების საფუძველზე შემსრულებლისათვის გადასახდელი ანაზღაურების სრულად გადახდისთანავე, დამკვეთზე საკუთრების სახით გადადის ყველა საავტორო ქონებრივი უფლება ამ ხელშეკრულების ფარგლებში შექმნილ პროდუქტზე.

4. სამუშაოების შესრულების ვადა

- 4.1. მხარეები შეთანხმდნენ სამუშაოს განხორციელების შემდეგ ვადებზე:
 - 4.1.1. შემსრულებელი ვალდებულია დაიწყოს ხელშეკრულებით გათვალისწინებული სამუშაო ხელშეკრულების ხელმოწერისთანავე.
 - 4.1.2. შემსრულებელი ვალდებულია დაასრულოს წინამდებარე ხელშეკრულებით გათვალისწინებული სამუშაო მხარეთა მიერ წინასწარ შეთანხმებულ ვადაში.
- 4.2. შემსრულებელი უფლებამოსილია ვადაზე ადრე დაასრულოს და ჩააბაროს დამკვეთს ხელშეკრულებით გათვალისწინებული სამუშაო.

5. მხარეთა პასუხისმგებლობა

- 5.1. წინამდებარე ხელშეკრულების შეუსრულებლობისათვის/არაჯეროვანი შესრულებისათვის მხარეები პასუხს აგებენ საქართველოს მოქმედი კანონმდებლობის მიხედვით.
- 5.2. დამკვეთს უფლება აქვს, შეწყვიტოს ხელშეკრულება შემსრულებლის მიერ გასაწევი სამუშაოს შეუსრულებლობის ან არასათანადოდ შესრულების შემთხვევაში და მოითხოვოს მიყენებული ზიანის ან/და ზარალის ანაზღაურება, ხოლო ასეთ შემთხვევაში შემსრულებელი ვალდებულია, აანაზღაუროს მიყენებული ზიანი ან/და ზარალი.
- 5.3. შემსრულებლის წარმომადგენლის მიზეზით სამუშაოს შესრულების პერიოდში შემსრულებელი ვალდებულია, აღმოფხვრას მიყენებული ზიანი 2 დღის განმავლობაში საკუთარი სახსრებით, წინააღმდეგ შემთხვევაში დამკვეთს უფლება აქვს, მოსთხოვოს შემსრულებელს და ასეთ შემთხვევაში შემსრულებელი ვალდებულია, გადაიხადოს ჯარიმა, მიყენებული ზიანის პროპორციულად.
- 5.4. შესრულების ნებისმიერი ვადების დარღვევის შემთხვევაში, დამკვეთს უფლება აქვს მოითხოვოს, ხოლო ასეთ შემთხვევაში შემსრულებელი ვალდებულია გადაუხადოს დამკვეთს პირგასამტეხლო – ხელშეკრულების საერთო ღირებულების 0.5%-ის ოდენობით ყოველი ვადაგადაცილებული დღისთვის, ხოლო იმ შემთხვევაში, თუ შემსრულებელი შესრულების ვადებს გადააცილებს 10 (ათი) დღით დამკვეთი უფლებამოსილია შეწყვიტოს წინამდებარე ხელშეკრულება ვადამდე, არ გადაიხადოს სამუშაოთა ღირებულება, ამასთან, მოითხოვოს, ხოლო ასეთ შემთხვევაში შემსრულებელი ვალდებულია გადაუხადოს დამკვეთს პირგასამტეხლოსთან ერთად ჯარიმა – ხელშეკრულების საერთო ღირებულების 10%-ის ოდენობით და დააბრუნოს ავანსად გადახდილი თანხა (ასეთის არსებობის შემთხვევაში) სრულად.
- 5.5. იმ შემთხვევაში, თუ ადგილი ექნება მესამე პირების მხრიდან რაიმე სახის ხელშეშლას, რომელიც შეაფერხებს შემსრულებლის მიერ შესასრულებელ სამუშაოებს, შემსრულებელი აღნიშნულის თაობაზე დაუყოვნებლივ წერილობით აცნობებს დამკვეთს, ხოლო გაცდენილი დღეები შემსრულებელს ვადაგადაცილებაში არ ჩაეთვლება.
- 5.6. შემსრულებელი პასუხისმგებელია მესამე პირების მიერ წამოყენებულ ნებისმიერ პრეტენზიაზე, რომელიც ეხება შემსრულებლის მიერ სამუშაოს შესრულების დროს გამოყენებულ ნებისმიერი მასალის/ნაწარმოების/ვიზუალიზაციის/დიზაინის საავტორო/მომიჯნავე/ინტელექტუალურ უფლებას.
- 5.8. შემსრულებელი ვალდებულია კისრულობს, რომ მის მიერ აღნიშნული ხელშეკრულების ფარგლებში შესრულებული სამუშაო წარმოადგენს მის ინტელექტუალურ საკუთრებას, არ არის კოპირებული ან/და სახით დაკავშირებული მესამე პირების ინტელექტუალური საკუთრების უფლებასთან.

6. ფორს-მაჟორი

- 6.1.** მხარეები თავისუფლდებიან პასუხისმგებლობისგან ხელშეკრულებით ნაკისრი ვალდებულებების ნაწილობრივ ან სრული შეუსრულებლობისათვის, თუ ეს გამოწვეულია დაუძლეველი ძალის გარემოებათა ზემოქმედების შედეგებით. ასეთი გარემოების დასტურს წარმოადგენს საქართველოს სავაჭრო-სამრეწველო პალატის მიერ გაცემული შესაბამისი დოკუმენტი.
- 6.2.** მხარე, რომლისთვისაც წინამდებარე ხელშეკრულების შესრულება შეუძლებელი გახდა დაუძლეველი ძალის გარემოებათა წარმოქმნის შედეგად, ვალდებულია წერილობით აცნობოს მეორე მხარეს 3 (სამი) დღის განმავლობაში მათი წარმოქმნის დღიდან, წინააღმდეგ შემთხვევაში, მხარეს უფლება ადარ ექნება მიუთითოს ამგვარ გარემოებებზე, როგორც ხელშეკრულებით ნაკისრი ვალდებულებებისაგან განმათავისუფლებელ გარემოებაზე.
- 6.3.** დაუძლეველი ძალის გარემოებათა დადგომისას მხარეთა მიერ ხელშეკრულებით ნაკისრი ვალდებულებების შესრულების ვადა გადაიწევა იმ დროით, რომლის განმავლობაშიც მოქმედებდა ეს გარემოებები.

7. კონფიდენციალურობა

- 7.1.** მხარეები ვალდებულნი არიან გაუფრთხილდნენ ერთმანეთის საკუთრებას, არ გახადონ მესამე პირთათვის ცნობილი ყველა ის ინფორმაცია, რომელიც ითვლება კონფიდენციალურად და მხარეთათვის ცნობილი გახდა წინამდებარე ხელშეკრულების შესრულების პროცესში.
- 7.2.** ვალდებულება კონფიდენციალურობის შესახებ ძალაში რჩება ხელშეკრულების მოშლის/შეწყვეტის შემდეგაც.

8. განსაკუთრებული პირობა

- 8.1.** წინამდებარე ხელშეკრულებაზე ხელმოწერით შემსრულებელი/გამყიდველი ადასტურებს, რომ ის არ წარმოადგენს საქართველოს საგადასახადო კოდექსის შესაბამისად, შეღავათიანი დაბეგვრის მქონე ქვეყანაში, ოფშორში რეგისტრირებულ პირს, საშემოსავლო გადასახადისაგან/მოგების გადასახადისაგან განთავისუფლებულ პირს (გარდა საბიუჯეტო ორგანიზაციისა), მიკრო ბიზნესის სტატუსის მატარებელ პირს, ფიქსირებული გადასახადის გადამხდელის სტატუსის მქონე პირს, თავისუფალ ინდუსტრიულ ზონაში რეგისტრირებული პირს ან/და სპეციალური სავაჭრო კომპანიის სტატუსის მქონე პირს. შემსრულებელი ადასტურებს, რომ აღნიშნული ინფორმაცია უტყუარია. იმ შემთხვევაში, თუ ხელშეკრულების მოქმედების ვადაში აღმოჩნდება, რომ შემსრულებელი ზემოაღნიშნული რომელიმე სტატუსის მქონე პირია ან გახდება, რის გამოც დამკვეთს მიადგება მატერიალური ზიანი/ზარალი (მათ შორის საგადასახადო ჯარიმის/სანქციის დაკისრება, გადახდილი თანხის ხარჯებიდან ამოღება და ა.შ.), შემსრულებელი იღებს ვალდებულებას აანაზღაუროს აღნიშნული ზიანი/ზარალი სრული მოცულობით დამკვეთის წერილობითი მოთხოვნიდან 5 (ხუთი) დღის ვადაში.

9. დავის გადაწყვეტა

- 9.1.** მხარეები შეეცდებიან ყველა წარმოშობილი დავა და უთანხმოება გადაწყვიტონ ურთიერთმოლაპარაკების გზით. იმ შემთხვევაში, თუ დავა ვერ გადაწყდება მისი წარმოშობიდან 30 დღის განმავლობაში მოლაპარაკების გზით, მხარეები იტოვებენ უფლებას თავიანთი ინტერესების დასაცავად მიმართონ საქართველოს საერთო სასამართლოებს, საქართველოს მოქმედი კანონმდებლობის შესაბამისად.

9.2. ყველა ის საკითხი რომელიც არ არის რეგულირებული ამ ხელშეკრულებით, რეგულირდება საქართველოს კანონმდებლობის შესაბამისად;

10. დასკვნითი დებულებები

- 10.1. მხარეებს შეუძლიათ ხელშეკრულებაში შეიტანონ ცვლილებები და დამატებები, რომლებიც უფლებამოსილი პირების მიერ ხელმოწერის შემდეგ ხდება წინამდებარე ხელშეკრულების განუყოფელი ნაწილი და მოქმედებს მასთან ერთად.
- 10.2. ხელშეკრულების რომელიმე მუხლის, პუნქტის ან/და ქვეპუნქტის ბათილობა არ გამოიწვევს მთლიანად ხელშეკრულების ან/და მისი სხვა ცალკეული მუხლის, პუნქტის ან/და ქვეპუნქტის ბათილობას. ბათილი დებულების ნაცვლად, გამოიყენება იმგვარი დებულება, რომლითაც უფრო ადვილად მიიღწევა ხელშეკრულებით გათვალისწინებული მიზანი.
- 10.3. შემსრულებელი აცხადებს, რომ მის მიერ წარმოდგენილი მონაცემები, მათ შორის მისი რეკვიზიტები, სწორია.
- 10.4. მხარეები ადასტურებენ, რომ ხელშეკრულების შინაარსი ზუსტად გამოხატავს მხარეთა ნებას და რომ მათ მიერ ნების გამოვლენა მოხდა ხელშეკრულების შინაარსის გონივრული განსჯის შედეგად და არა მარტოდენ სიტყვა-სიტყვითი მნიშვნელობიდან.
- 10.5. შემსრულებელი წერილობით ატყობინებს დამკვეთს, წარმოშობიდან 5 (ხუთი) კალენდარული დღის ვადაში, იმ გარემოებების შესახებ, რომელთაც შეუძლიათ იქონიონ გავლენა თავისი ვალდებულებების შესრულებაზე: რეორგანიზაცია, რეკვიზიტების შეცვლა, გადახდისუუნარობა ან გადახდისუუნარობის ალბათობა, ლიცენზიის მოქმედების ვადის ამოწურვა და სხვა. იმ შემთხვევაში, თუ შემსრულებელი არ შეატყობინებს ან არადროულად შეატყობინებს დამკვეთს წინამდებარე ხელშეკრულებით ნაკისრი ვალდებულებების შესრულების დამაბრკოლებელი გარემოებების შესახებ, ვალდებულია დამკვეთს აუნაზღაუროს ამასთან დაკავშირებით წარმოქმნილი ზარალი.
- 10.6. ხელშეკრულება ფორმდება, ქართულ ენაზე, ორ თანაბარი იურიდიული ძალის მქონე ეგზემპლარად, თითოეული მხარისათვის გადასაცემად.

11. მხარეთა რეკვიზიტები:

დამკვეთი:

შპს „ავერსი-ფარმა“

მის: ქ.თბილისი, დ.ადმაშენებლის გამზ. #148

ს/კ 211386695

სს „თიბისი ბანკი“

ბანკის კოდი: TBCBGE22

ა/ა

შემსრულებელი:

შპს -----

სს „----- ბანკი“

ბანკის კოდი: -----

ა/ა -----

მმართველი დირექტორი:

_____/ი. ქსოვრელი/

დირექტორი:

_____/--. -----/

შენიშვნა: ხელშეკრულების შესაბამისი პირობები/პუნქტები დაზუსტდება ტენდერში გამარჯვებული პრეტენდენტის სატენდერო წინადადების შესაბამისად.